

堯山堂外紀

堯山堂外紀卷二十九

晉陵蔣仲舒編

唐

韓愈

字退之嘗登華山巔窮極幽陰心悸目眩不能下發狂號哭投書與家人別華

陰令百計取之方能下柳子厚得其所寄詩先以薔薇露灌手薰玉麝香後發讀曰犬雅之文正當如是子昶為集賢校理以退之金根車馬為誤改為金銀世甚鄙之金根天子親耕所乘車也

韓退之詩云喚起窓全曙催歸日朱西無心花裏

鳥更與盡情啼。乃二禽名也。喚起聲如絡緯。聞轉清亮。偏鳴於春曉江南。謂之春喚。催歸子規也。

韓退之有二侍妾。一曰絳桃。一曰柳枝。皆善歌舞。退之使王庭湊至壽陽驛。寄詩云。風光欲動別。長安春半邊。城特地寒。不見園桃并巷柳。馬頭惟有月團圓。後使還。柳枝已逾牆遁去。為家人所獲。惟絳桃在。乃作詩云。別來楊柳街頭樹。擺。

亂春風只欲飛。惟有小桃園裏在。留花不發待

郎歸。自是專屬意絳桃。

昌黎公晚年頗親脂粉故事服食用硫黃末攪

粥飯喫鷄男不使交千日烹庖名火靈庫公間日進一隻馬始亦見功終致絕命

韓湘字清夫。文公猶子也。落魄不羈。文公勉之令

學。湘作詩獻公云。青山雲水窟。此地是吾家。後

夜流瓊液。凌晨咀絳霞。琴彈碧玉調。爐煉白朱

砂。寶鼎存金虎。元田養白鴉。一瓢藏世界。三尺

斬妖邪。解造逡巡酒。能開頃刻花。有人能學我。

同共看仙葩公覽而戲之曰子能奪造化耶湘
因指堦前牡丹曰叔要此花青黃赤紫惟命公
大驚異遂給所需試之乃膏紫粉朱紅旦暮治
其根凡七日時冬初也牡丹忽發碧花二朶花
間擁出金字詩一聯云雲橫秦嶺家何在雪擁
藍關馬不前公未曉其意湘辭去未幾公以佛
骨事謫潮州途中遇雪湘冒雪來問公曰公憶
花上句乎公詢其地卽藍關也嗟嘆久之曰吾

為汝足成此詩詩曰一封朝奏九重天夕貶潮
陽路八千本為聖明除弊政敢將衰朽惜殘年
雲橫秦嶺家何在雪擁藍關馬不前知汝遠來
須有意好收吾骨瘴江邊因與同宿傳舍湘又
獻詩云舉世盡為名利醉吾今獨向道中醒他
時定見飛昇去衝破秋空一點青乃出藥一粒
曰服此可禦瘴也遂辭去

昌黎公寢疾忽中宵驚悸既寤而汗霑衾

調命侍人扶坐小君問之良久曰向來夢神長犬餘金鎧持戟直入寢門自稱大聖鎮目謂我

曰。雖違骨稅。國世與韓為讐。吾欲討之。亦能
如何。跪答曰。願從大聖計焉。不自日而公亮。

柳宗元

字子厚。自永州徵至京。意望錄用。一

也。昨夢柳樹仆地。其不祥乎。卜者曰。夫生
則柳樹死。則柳木。木者牧也。君其牧柳州。
手竟如其言時。
號為柳柳州。

柳子厚與浩初上人看山詩云。海畔尖山似劍攢。

秋來處處割愁腸。若為化得身千億。散上峯頭。

望故鄉。議者謂子厚南遷不得為無罪。蓋未死。

而身已在刀山矣。

子厚吟春水如盤詩。久之不
成。乃取九脚床於池邊沙上。

玩味終日
僅能成篇

柳子厚守柳州日築龍城得白石微辦刻畫曰龍
城柳神所守。驅厲鬼山左首。福土垠制九醜。此
子厚自記也。退之作羅池廟碑云。福我兮壽我。
驅厲鬼兮山之左。盖用此事。

劉禹錫

字夢得。順宗時。干預大權。門吏接書。尺日數千。禹錫一一報謝。綠珠盆中。

日用。麵一半為糊。以供絨卦。

貞元末。劉夢得為尚書屯田員外郎。時玄都觀未

有花木是歲左遷朗州司馬居十年召至京師
人皆言有道士植仙桃滿觀遂作贈看花諸君
子詩曰紫陌紅塵拂面來無人。不道看花回。
玄都觀裏桃千樹。盡是劉郎去後栽。有素娥其
名者白於執政。誣其怨憤。他日見時宰。與坐
慰問甚厚。既辭。卽曰。近者新詩未免為累。奈
何不數日出。為連州刺史。凡十有四年。得為
主客郎中。重遊玄都。蕩然無復。一存惟兔葵燕
麥動搖春。

風耳因再題二十八字曰百畝庭中是苔桃花
半淨盡菜花開種桃道士今何在。前度劉郎去。又
來權近益薄之。

元和中國樂有米嘉榮何哉。並善歌。劉尚書與嘉
榮詩云。三朝供奉米嘉榮。能變新聲作舊聲。于
今後輩輕前輩。好染髭鬚事後生。又自貶所歸
京。聞何戡歌曰。二十年來別帝京。重聞天樂不
勝情。舊人唯有何。戡在更與殷勤唱渭城。

長慶中劉夢得與元微之韋楚客同會白樂天舍
論南朝興廢各賦金陵懷古詩劉滿飲一盃飲
已卽成曰王濬樓船下益州金陵王氣黯然收
千尋鐵鎖沉江底一片降幡出石頭人世幾回
傷往事山形依舊枕江流而今四海為家日故
壘蕭蕭蘆荻秋白覽詩曰四人探驪龍子先獲
珠所餘鱗爪何用耶於是罷唱

劉夢得石頭詩云山圍故國周遭在潮打空城寂

冥迴淮水東邊舊時月夜深還過女牆來樂天
掉頭苦吟嘆賞良久曰潮打空城寂寞迴吾知
後之詩人不復措辭矣

白樂天任杭州刺史携數妓還洛陽後却還錢塘
劉夢得戲荅云其那錢塘蘇小小憶君淚點石
榴裙

牛僧孺將赴舉時投贄於劉補闕夢得劉對客展
卷飛筆點竄其文一時雖謝礪礪終為鞅鞅後

劉轉汝州奇章出鎮漢南枉道至汝駐旌旄信
宿酒酣以詩喻劉曰粉署為郎四十春今來名
輩更無人休論世上升沉事且闕尊前見在身
珠玉會應成咳唾山川猶覺露精神莫言恃酒
輕言語曾把文章謁後塵劉承詩意方悟往年
改文卷事因作詩謝過曰昔年曾忝漢朝臣晚
歲空餘老病身。幼見相如成賦日。後為丞相掃
門人。追思往事咨嗟久喜幸清光笑語頻猶有

當時舊冠。劇待公三日拂埃塵。牛公嗒諷前意。
稍解曰三日之事何敢當焉。宰相三朝後主印
於是移宴竟夕。方整前驅。

劉夢得對賓友每吟張博士籍詩云。新酒欲開期。
好客衣冠暫脫。見閑身對花木則吟王右丞詩。
云。興闌鳴鳥換。坐久落花多。白樂天嘗齋焉錫

慈廉鮮換取樂天六
~~茶~~茶二囊以自醒酒

呂溫字和叔又字化光
嘗從陸贄治春秋

柳子厚在柳州呂溫朝之曰柳州柳刺史種柳柳

江邊柳管依然在千株柳拂天後南卓為黔南

經畧使故人嘲曰黔南南太守南郡在雲南閑

向南亭醉南風變俗談卓嘗言事出為松滋令詩贈後事云翔刑曾在

王京天墮在江南地幾年從事不須輕縣宰滿身猶帶御爐烟

呂溫守道州時段洪古客馬一夕同於樓上把火

看花賦詩云城上芳園花滿枝城頭太守夜看

時為報林中高舉燭感人情思欲題詩溫答云

盡日看花君不來。江城半夜為君開。樓中共指
南園火。紅燼隨花落碧苔。

張籍

字文昌。蘇州人。嘗取杜甫詩一帙焚取
灰。燒別以膏密頓飲之。曰。令吾肝腸從

此改

張籍用藥名作離合詩。答鄱陽客云。江皋歲暮相

逢地。黃葉霜前半夏枝。子夜吟詩向秋桂。心中

萬事豈君知。

此不離偏旁。但以一物一字離于
一句首尾。而首尾相續。為一物者。

張籍用裴晉公薦為國子博士。東平帥李師道辟

為從事籍賦節婦吟辭之云君知妾有夫。贈妾
雙明珠。感君纏綿意。繫在紅羅襦。妾家高樓連
苑起。良人持戟明光裏。知君用心如日月。事夫
誓擬同生死。還君明珠雙淚垂。何不相逢未嫁
時。

朱慶餘遇張籍知音索慶餘新舊篇擇留二十六
章置之懷袖而推替之詩人以籍重名皆繕錄
諷詠遂登科慶餘作閨意意一篇以獻曰洞房

昨夜停紅燭。待曉堂前拜舅姑。粧罷低聲問夫
婿。盡眉深淺。入時無籍。酬之曰。越女新粧出鏡
心。自知明艷更沉吟。齊鮑未足時人貴。一曲楚
歌敵萬金。由是朱之詩名流於海內。

元和中長安有沙門善病人。文章尤能捉語意。相
合之處。張籍頗恚之。冥搜愈切。思得句曰。長因
送人處。憶得別家時。經徃跨楊乃曰。此應不合。
前輩意也。沙門笑曰。此有人道了也。籍曰。向有

何人沙門吟曰見他桃李發思憶後園春籍
因撫掌大笑

王建

字仲初與張文昌友善有宮詞百首甚工

王建初為渭南尉與宦者王守澄有宗人之分因
過飲語及漢桓靈信任中官事守澄深憾其譏
乃曰吾弟所作宮詞禁掖深遠何以知之將奏
劾建建作詩以解之云先朝行坐鎮相隨今上
春宮見小時脫下御衣親賜着進來龍馬每教

騎長承密旨歸家少。獨奏遺機出殿遲。不是當
家頻向說九重爭得外人知。自是守澄不敢有
言

諺云乾星照濕土來日依舊雨主建聽雨詩云半
夜思家睡裏愁雨聲落落屋簷頭照泥星出依
然黑淹爛庭花不肯休

歐陽詹

字行周泉州人與韓愈等同舉進士時稱龍虎榜終四門助教

歐陽詹遊太原悅一妓將別約至都相迎途中病

詩曰驅馬漸覺遠迴頭長路塵高城已不見況
復城中人去意自未甘居情諒猶辛萬里東北
晉千里西南秦一履不出門一車無停輪流萍
與繁匏早晚期相親故得詩思之不已疾且甚
乃刃其髻藏之謂女弟曰歐陽生至可以為信
因題詩曰自從別後減容光半是思郎半恨郎
欲識舊來雲髻樣為奴開取縷金箱絕筆而逝
及詹至如其言示之詹啓函一慟而卒

歐陽澥四門詹之孫也娶婦經旬而辭赴舉久不
還家自憐十八年之帝鄉未遇知己乃為燕詩
獻主司鄭愚曰翩翩雙燕盡堂開送古迎今幾
萬迴長何春秋社前後為誰歸去為誰來

陸長源

字泳為宣武行軍司馬韓愈為巡官
同在使幕或議其年輩相遠愈曰大

蚤老嚴俱十二
相屬何堪之有

陸長源為郎中日判僧常滿智真等同於娼家飲
酒烹宰等事云口說如來之教在處貪財身著

無價之衣終朝食肉。若行未同迦葉。自謂頭陀。

神通何有淨名。入諸娼舍。犯爾嚴戒。黷我明刑。

仍集遠近僧徒。痛杖三十處死。

韓晉公薈法師雲吳等五人聚

集賭錢因有宣諍云正法何曾執貝空門不積餘財白日既能賭博通宵必醉博畢強說天堂

難到又言地獄長間並付江神收管波中便是象臺

崔護

字殷功貞元中登第終嶺南節度使

崔護初舉進士不第清明獨遊都城南得村居花

木叢萃叩門父有女子自門隙問之對曰尋春

獨行酒渴求飲女人啓闌以盃水至獨倚小桃
柯停立而意屬殊厚崔辭起送至門如不勝情
而入後絕不復至及來歲清明徑往尋之門庭
如故而戶扃鎖矣因題詩於其左扉云去年今
日此門中人面桃花相映紅人面不知何處去
桃花依舊笑春風後以其意未全語未工改第
三句人面祇今何處去云

崔護不登科怒其考官苗登苗卽崔從舅也乃私

試為判頭毀其舅曰甲背有猪皮之異其判曰
曹人之祖重耳駢脅載觀相里之剝苗登猪皮
斯見初登為東畿尉相里造為尹曾欲答之袒
其背有猪毛長數寸故云又曰雷偃兵之時則
燧而無用在穴食之日則搖而有求皆謂其尾
也

杜羔

有至性於兵亂後訪求得
母而奉養焉貞元末登第

杜羔妻劉氏善為詩羔累舉不第將至家妻先寄

詩曰良人的的有奇才何事年年被放回如今
妾面羞君面君到來時近夜來羞見詩赧不敢
歸復遊長安尋登第妻又寄詩云長安此去無
多地鬱鬱葱葱佳氣浮良人得意正年少今夜
醉眠何處樓羞得詩郎命駕還里

鄭還古

元和初
登第

鄭還古寓東都與柳當將軍同巷鄭調西都柳設
宴餞行出家妓歌樂以送內有一妓嬌美鄭眷

戀不已柳謂曰此沈真真本良家女頗能文辭
請公一詩以定情好候公拜命卽當送賀公欣
然賦之云冶艷出神仙清聲勝管絃詞輕白
曲歌過碧雲天未擬生裴秀何妨乞鄭玄不堪
金谷水橫過墜樓前柳大喜俾真真拜謝鄭至
京除國子博士柳見除目卽送真真赴約及嘉
祥驛而還古物故真真守節終身

周匡物

字幾本潭州人元和時以歌詩著名

周匡物家貧徒步應舉至錢塘乏餽船之資久不
得濟乃題詩公館云南里茫茫天塹遙秦皇底
事不安橋錢塘江口無錢過又阻西陵兩信潮
郡牧見之乃罪津吏

施肩吾

字希聖元和中金第以洪州西山羽化之地高蹈於此

隋曲有疎勒鹽唐曲有突厥鹽阿鵲鹽或云關中
人謂好為鹽故肩吾詩云顛狂楚客歌成雪媚
嫵吳娘笑是鹽。

施肩吾與崔嘏同年不睦嘏舊失一目以珠代之
施朝之曰二十九人及第五十七眼看花

沈亞之

字下賢學於退之之門與皇甫湜以文往來元和中下第李賀有詩送之

沈亞之常客遊為小輩所試曰某改令書俗各兩
句伐木丁丁鳥鳴嚶嚶東行西行遇飯遇羹亞
之荅曰如切如磋如琢如磨欺客打婦不當妻
羅

太和初沈亞之之弟憇長安邸舍夢為秦穆公女

美玉嬌公主死應教作挽歌曰泣塋一枝紅生
同死不同金鈿墜芳草香綉滿春風舊日聞簫
處高樓明月中梨花寒食夜深閉翠微宮

堯山堂外紀卷二十九終

堯山堂外紀卷三十

晉陵蔣仲舒編

唐

裴度

字中立元和末為宰相歷事四朝以全德始終李義山稱為聖相微時寓洛嘗

策蹇天津橋有二老人倚柱而立語云造憂蔡州未平須待此人為將其僕携書囊從後聞之歸述其事度曰見我龍鍾相戲耳洎留守洛每語天津橋老人之事有別墅於集賢里具涼臺嶼館號綠野堂

元和中裴度出征淮西請韓愈為掌書記及賊平

入觀以詩示幕中賓客愈和一篇云南伐旋師
太華東。天書夜到冊元功。將軍舊壓三司貴。相
國新兼五等崇。鴛鴦欲歸仙仗裏。熊羆還入禁
營中。長慙典筆非材職。得就閑官卽至公。時李
僕射方爲華州刺史戎服橐鞬迎於道左愈有
詩云荆山行盡華山來。日晚潼關四扇開。刺史
莫嫌迎候遠。相公親破蔡州回。

裴度征淮西日掘得一碑上有謠云井底一竿竹。

竹色深深綠。雞未肥。酒未熟。障車兒郎且須縮。
有識之者曰雞未肥肥去月乃已字酒未熟乃
酉字其後吳元濟果以已酉日就擒

宋人四六
有字愁鼠

獄智之雞碑下
句正用此事

劉虛白昔與裴令公同硯席及公主文虛白猶是
舉子試雜文日簾前獻一絕云二十年前此夜
中一般燈燭一般風不知歲月能多少猶著麻
衣待至公。

白樂天求馬於裴令公公贈以馬因戲云君若有心求逸足我還留意在明珠引妾換馬之事樂天答曰安石風流無奈何欲將赤驥換新娥不辭便送東山去臨老何人與唱歌

裴晉公在相位有人寄槐癭一枚欲削為枕時郎中庾威世稱博物召請別之庾捧翫良久曰此是雌樹生者恐不堪用語次偶及庚甲庾曰某與令公同是甲辰生公笑曰郎中便是雌甲辰

裴晉公除平章事制有云十拜相詔四登帥壇嘗
自贊曰爾身不長爾貌不揚胡為將胡為相一
片靈臺丹青莫狀

裴晉公中書卽事云有意效承平無功益聖明灰
心緣忍事霜鬢爲論兵道直身還在恩深命轉
輕鹽梅非擬議葵藿是平生白日長懸照蒼蠅
謾發聲嵩陽舊田地終使謝歸耕

裴晉公不信術數每語人曰雞豬魚蒜逢着則喫

生老病死時至則行

裴晉公臨夢以平淮西所賜玉帶却進口占奏狀曰內府之珍先朝所賜既不合將歸地下又不

合畱在人間聞者嘆其不亂

晉公午橋莊有文杏百株其處立碎

錦坊小兒坂草盈茂時公使驅數羣羊散坂上曰芳草多情賴此粧點臨終告門人曰吾死無所繫但午橋莊松雲嶺未成軟碧池鱸魚尾未長漢書未終篇為可恨耳

權德輿

字載之三歲時能辨四聲元和中同平章事卒謚曰文

唐制舉人試日既暮許燒燭三條主文權德輿於

簾下戲云三條燭盡燒殘舉子之心舉子遽答

云八韻賦成驚破侍郎之膽

咸通中韋承貽試日先畢曾作詩賦

此事云袁衣博帶滿塵埃獨向鄮堂納卷回蓬巷幾時聞吉語棘籬何日免重來三條燭盡鐘初動九轉丹成鼎未開殘月漸低人授授不知誰是謫仙才

權德輿以文為戲嘗用古人姓名藏句中其一篇

云蒲宣秉戎寄衡石崇位勢年紀信不畱弛張
良自媿樵蘇則為愜瓜李斯可畏不顧榮官尊
每陳農畝利忌滿寵生嫌養蒙恬勝智疎鐘皓

月曉晚景丹霞異。澗谷永不謬。山梁冀無累。頗
符生肇學。得展禽尚志。從此直不疑。支離疎世
事。

王播

字明敫弟起鐸一門三相文宗嘗題詩
太子笏賜起詔畫像便殿號當世仲尼

王播少孤貧嘗客揚州惠照寺木蘭院隨僧齋粥
僧厭苦之乃齋罷而後擊鐘後二紀播出鎮揚
州因訪舊遊向之題處皆以碧紗幕其詩播繼
以二絕句曰三十年前此院遊木蘭花發院新

修如今再到經行處樹老無花僧白頭又上堂
已了各西東慚愧閣黎飯後鐘三十年來塵撲
面而今始得碧紗籠

陳通方與王播同年播年五十六通方甚少因期
集撫播背曰王老奉贈一第播恨之後通方丁
家難辛苦萬狀播掟三科為正郎判鹽鐵通方
窮悴求助不甚給之時李虛中為副使通方以
詩求為汲引云應念路傍憔悴翼昔年喬木幸

同遷播不得已薦為江西院官。

王起四典貢舉所取士皆知名者人服其鑒會昌
中放第二榜僧廣宣以詩寄賀曰從辭鳳閣掌
絲綸便向青雲領賁賓。再闢文場無枉路兩開
金榜絕寬人。眼看龍化門前水手放鴛飛谷口
春。明日定歸台席去鶴鵲原上共陶鈞。起和云
延英面奉入春闈亦選工夫亦選奇。在治只求
金不耗用心空。學拜無私龍門變化人皆望。鴛

谷飛鳴自有時。獨喜向公誰是論。彌天上士與

新詩。起子龜從起在河中於中條山山谷中起
草堂與山人道士游朔望一還府第八日

為郎

君谷

初王起自中書舍人知舉放進士周墀及第後同
在翰林及會昌再放榜時墀任華州因寄詩賀
敘同在翰林曰文場三化魯儒生。二十餘年振
重名。曾忝木雞誇羽翼。又陪金馬入蓬瀛。雖欣
月桂居先折。更羨春蘭最後榮。欲到龍門看風

水關防不許暫離營。起答曰貢院離來二十霜。
誰知更忝主文場。楊葉縱能穿舊的。桂枝何必
愛新香。九重每憶同仙禁。六藝初吟得夜光。莫
道相知不相見。蓮峯之下有龔黃。人以為絕唱

李逢吉

字虛舟。嘗知貢舉。楊未放而入相。王
播代放楊及第。人就中書見座主時

稱好脚
蹴門生

元和十一年歲在丙申。李逢吉下三十三人。皆取
寒素。時有詩曰。元和天子丙申年。三十三人同

得仙袍似爛銀衣似錦相將白日上青天

李逢吉性彊愎而沉猜多忌好危人略無作色劉禹錫有妓甚麗李陰以計奪之約某日皇城中置宴朝賢寵嬖並請早赴境會敕閤吏先放劉家妓從門入傾都驚異無敢言者劉惶惑吞聲又翌日與相善數人謁之但相見如常從容久之並不言境會之所以然座中默然相目而已既罷一揖而退劉嘆咤而歸無可奈何遂憤懣

而作四章以擬四愁其一云玉釵重合兩無緣
魚在深潭鶴在天得意紫鸞休舞鏡傳言青鳥
罷銜殘金盆已覆難收水玉軫長籠不續絃若
向蘼蕪山下過遙將紅淚灑窮泉其二云鸞飛
遠樹棲何處鳳得新巢已去心紅壁尚畱香漠
漠碧雲初斷信沉沉情知點污投泥玉猶自經
管買笑金從此山頭似人石丈夫形狀淚痕深
其三云人曾何處更尋看雖是生離似一般買

笑樹邊花已老。畫眉窓下月猶殘。雲歲巫峽音
容斷。路隔星橋。過往難。莫怪詩成無淚滴。盡傾
東海也。須乾。其四云。三山不見海沉沉。豈有仙
蹤更可尋。青鳥去時雲路斷。嫦娥歸處月宮深。
紗牕遙想春相憶。書幌誰憐夜獨吟。料得夜來
天上鏡。只因偏照兩人心。

李翱

字習之。父名楚金。故其所為文皆以今
為茲時有毛傳者。好食鵝人與已相得。

必以鵝贈之一
見翱贈十二藍

李尚書在潭州席上有舞柘枝者顏色憂悴殷堯
藩侍御當筵贈詩曰姑蘇太守青娥女流落長
沙舞柘枝滿座繡衣皆不識可憐紅臉淚雙垂

鞠詰其事乃姑蘇臺韋中丞愛姬所生之女

夏卿

之裔正卿之姪

曰妾以昆弟夭折委身樂部耻辱先人

言訖涕咽情不能堪亞相為之吁嘆且曰吾韋

族姻舊速命更其舞衣飾以桂襦延與韓夫人

相見

夫人更部之女

顧其言語清楚宛有冠蓋風儀遂

於賓榻中選士而嫁之舒元與侍郎聞之自京
馳詩曰湘江舞罷忽成悲。便脫蠻靴出絳幃。誰
是蔡邕琴酒客。魏公懷舊嫁文姬。

李尚書初守廬江有重繫者當大辟引慮之時啟
曰昔於小時專習一藝願於貴人前試之乃長
嘯也公命緩繫而聽之曰不謂蘇門之風出於
赭衣之下遂獨其罪有僧相打斷云夫說法則
不曾敷坐而坐相打則偏袒右肩左肩領來向

佛前而作偈言。各答去衣十五以例。三千大千。又斷僧通狀。云上歲童子二十受戒。君王不朝。父母不拜。口稱貧道。有錢放債。量決十下。牒出東界。

李尚書牧江淮日。進士盧儲投卷來謁。李禮待之。置文卷案間。赴公宇視事。長女及笄。見文卷。尋繹數四。謂小青衣曰。此人必為狀頭。李聞之。深異其語。乃納為壻。來年果狀元及第。纔過殿試。

卽赴佳姻作催粧詩曰昔季將事王京遊第一
仙人許狀頭今日已成秦晉會早教鸞鳳下粧
樓。

李翱問藥山禪師如何是道師曰雲在天水在瓶
翱作偈曰鍊得身形似鶴形千株松下兩函經。
我來問佛無餘話雲在青天水在瓶翱問如何
是戒定慧師曰太守欲保任此事直須向高高
山頂坐深深海底行閨閣中物割捨不得便為

滲漏師一夜登山大笑翺贈詩曰選得幽居愜
野情。終季無送亦無迎。有時直上孤峰頂。月下
披雲笑一聲。

李約

字存博。汧公勉之子。梁武造寺令蕭子雲飛白大書。一蕭字約。自江淮竭產致

歸洛中。扁於小亭。號曰蕭齋。

李約為兵部員外郎。與主客外郎張諗同官。每單
床靜言達旦不寐。贈韋徵君况詩曰。我有心中
事。不向韋三說。秋夜洛陽城。明月照張八。

李約雅度簡遠有山林之致在潤州得古鐵一片
擊之清越又養一猿名山公月夜泛江登金山
鼓琴猿必嘯和曾佐庶人李錡幕至金陵屢讚
招隱寺標致一日庶人宴寺中明日謂曰子嘗
稱招隱標致昨日遊宴何殊州中約曰某所賞
者踈野耳若遠山將翠幕遮古松用綵物累羶
腥浣塵跑泉音樂亂山鳥聲此則實不知在叔
父大廳也

李員外觀祈雨云桑條無葉土生烟。簫管迎龍水
廟前朱門幾處耽。歌舞猶恐春陰咽。管絃。

李涉

字清溪。與弟渤俱隱南康山中。渤嘗養一白鹿。號白鹿先生。

李涉題鶴林寺僧室云終日昏昏醉夢間。忽聞春

盡強登山。因過竹院逢僧話。又得浮生半日閑。

宋時有數貴人遇休沐。携歌舞僧舍者。酒酣。誦此詩。僧聞而笑曰。尋官得半日閑。老僧却忙三

日。謂一日供帳一日燕集一日掃除也。

李涉嘗過九江至皖口遇盜問何人從者曰李博

士也其豪首曰若是李涉博士不用剽奪久聞
詩名願題一篇足矣涉贈一絕云春雨蕭蕭江
上村綠林豪客夜知聞相逢不用相迴避世上
如今半是君豪首餞賂且厚李不敢却而都斯
人神情復異復期會於淮揚佛寺及至揚遍歷
諸寺遇一女子拜泣乃故劉員外愛姬宋態也
劉李有昔年之分贈詩曰長憶雲仙至小時笑
蓉頭上綰青絲當時驚覺高唐夢唯有如今宋

王知又陵陽夜醺使君筵解語花枝在眼前自
從明月西沉海不見姮娥二十年已而歎曰不
見豪首而逢宋態成終身之喜恨矣後番禺舉
子李彙征客遊閩越馳車至循州冒雨求宿田
翁指韋氏莊居韋氏乃杖屨迎賓年已八十有
餘自稱曰野人韋思明與李生談論淹留累夕
因及詩語韋叟吟曰長安輕薄兒白馬黃金羈
以彙征年少而事輕肥故也李生還令云昨日

美少季今日成老醜。韋乃喟然歎曰老其醜矣。
少壯所嗤至客改令不離舊意曰白髮有前後。
青山無古今。韋微笑曰白髮不遠於秀才何忽。
於老夫也。叟復還令曰此公頭白真可惜。伊
紅顏美少年於是共論數十家歌詩次第及李
涉絕句主人酷稱善。彙征遂吟曰遠別秦城萬
里遊。亂山高下出商州。關門不鎖寒溪水。一
夜潺湲送客愁。又曰華表千年一鶴歸。丹砂爲頂

雪為衣。泠泠仙語人聽盡。却向五雲翻翅飛。思
明復吟二篇曰。因韓為趙兩遊秦。十月冰霜渡
孟津。縱使雞鳴見關吏。不知余也是何人。又曰
滕王閣上唱伊州。二十年前向此遊。半是半非
君莫問。西山長在水長流。李生重詠贈豪客。詩
韋叟。愀然變色曰。老身弱齡。不肖遊浪江湖。交
結奸徒。為不平事後。遇李涉。博士蒙簡此詩。因
而跽跡。李公待愚擬陸士衡之薦戴若思中心

歲焉遠隱羅浮山經于一紀李旣云亡不復再
遊秦楚追惋今昔因乃潛然復數日別

堯山堂外紀卷三十終

堯山堂外紀卷三十一

晉陵蔣仲舒編

唐

李賀

字長吉常使小奚奴背一古破錦囊隨行遇有所得即書投囊中及暮歸足成之太夫人見所書多輒曰是兒要當啗出心肝始已耳有人謁賀見其父而不言唾地者三歲而成文三篇元稹以明經中第顧與賀交賀見刺曰明經及第何事來見李賀積漸而退未幾制策登科禮部議賀父名晉不合舉進士時輩排之賀竟不第將死時畫見一緋衣人駕赤虬持一版書若太古篆或霹靂石文者云上帝新作白

王樓成立召君為記少之賀氣絕賀有表
兄與賀筆硯之舊恨賀傲忽賀死後始取
其藁盡
投洞中

李賀季七歲以長短之製名動京華時韓退之與
皇甫湜覽賀所作奇之因聯騎造門求見賀非
角荷衣而出二公令面賦一篇賀承命欣然操
觚染翰倘若無人仍名曰高軒過其詞曰華裾
織翠青如蔥金環壓轡搖玲瓏馬蹄隱耳聲隆
隆入門下馬氣如虹云是東京才子文章鉅公

二十八宿羅心胃。元精炯炯貫當中。殿前作賦
聲摩空。筆補造化天無功。龐眉書客感秋蓬。誰
是苑草生華風。戒今垂翅附冥鴻。他日不羞蛇
作龍。二公大驚遂以所乘馬命聯驪而還所居
親為束髮

李賀以歌詩謁韓愈愈時為國子博士分司送客
歸困盍已解帶門人呈卷旋讀之首篇乃鴈門
大守行也即束帶見之其詩云黑雲壓城城欲

推甲亮向月金麟開角聲滿天秋色裏塞上燕
脂凝夜紫半卷紅旗臨易水霜重鼓聲寒不起
報君黃金臺上意提携玉龍為君死宋景文諸公在館中
許唐人詩曰李白仙才長吉鬼才王安石曰長吉詩黑雲壓城城欲摧甲光耀日金麟開是兒言不相副方黑雲如此安得耀日之甲光也

李賀紫石研歌端州石匠巧如神。露天磨刀割紫雲。紗帷畫曉墨花春。輕漚漂沫松麝薰。

盧仝號玉川子詩體與馬異俱尚險怪二人結交詩云仝不仝異不異是謂大仝而

小異盧茶歌句多奇
警洛陽有全煮茶泉

盧仝下第出都投逆旅有一人附火吟曰學織錦
梭工未多。亂投機杼錯拋梭。若教宮錦行家見。
把似文章笑殺他。因問之云舊例宮錦坊近以
薄技投本行云如今花樣不同且東歸也

盧仝有子名添丁仝作詩示之曰春風苦不仁呼
逐馬蹄行人家瘴氣却怜我入我憔悴骨中為
生涯數日不食強起行何忍索我抱着滿樹花

不知四體正困憊。泥人啼哭聲呀呀。忽來案上
翻墨汁。塗抹詩書如老鴉。父憐母惜。搨不得。却
生癡笑。令人嗟。宿春連曉不成米。日高始進一
碗茶。氣力龍鍾頭欲白。憑杖添丁莫惱爺。後全
留王涯第中。遂預甘露之禍。全老無髮。奄人於
腦後加釘馬人。以為添丁之識。

孟郊字東野。韓愈以為忘年交。年五十第進士。尉溧陽。以吟詩廢曹務。令白府以尉代之。分其半俸。邑有投金瀨。以郊得名。郊卒。張籍謚曰貞曜先生。

孟東野窮餓不得安養其親周天下無所遇作詩
曰食。藝。腸。亦。苦。強。歌。聲。無。歡。出。門。即。有。礙。誰。為
天地寬。

孟東野下第詩曰棄置復棄置情如刀劍傷又再
下第詩曰一夕九起嗟夢知不到家兩度長安
陌室將淚見花後及第有詩曰昔日齷齪不足
嗟今朝曠蕩恩無涯青春得意馬蹄疾一日看
徧長安花

孟東野塘下行云塘邊日欲斜年少早還家徒將
白羽扇調妾木蘭花不是城頭柳那樓來去鴉
又有遊子行云慈母手中線遊子身上衣臨行
密密縫意恐遲遲歸難將寸草心報得三春暉

賈島

字浪仙初為浮屠名無本韓愈惜其才俾反俗應舉島常以歲除取一季所得

詩祭以酒曰勞吾精神以是補之島至老無子曰啖牛肉得疾終于傳舍李洞慕其詩鑄銅象島儀事之如神常念賈島佛

賈島初赴京師一日於驢上得句云鳥宿池邊樹

僧敲月下門始欲作推字又欲着敲字煉之未
定遂於驢上吟哦時時引手作敲推勢時韓愈
吏部權京兆尹島不覺衝至第三節尚為手勢
未已左右擁至尹前島具對所得詩句推與敲
字未定神遊詩府致冲大官愈立馬良久曰作
敲字佳遂並轡歸留連論詩與為布衣交有詩
贈云孟郊死塋北印山日月星辰頓覺閑天恐
文章中斷絕再生賈島在人間島自此名著

柳子

王祭文郊寒島
瘦元輕白俗

島騎驢天衢時秋風正厲黃葉可掃島忽吟曰落
葉滿長安卒求一聯未得因唐突京尹劉栖楚
被繫一夕而釋

此與韓愈推
敲事又別

島久不第吟病蟬之句以刺公卿或奏島與平魯
等為舉場十惡逐之詩曰病蟬飛不得向我掌
中行折翼猶能薄酸吟尚極清露華凝在腹塵
點誤侵晴黃雀并鳥鳥俱懷害爾情

島不善程
試每疊一

幅巡舖告人曰原夫之類乞
一聯原夫賦中轉起字也

裴晉公初立第於街西興化里鑿池種竹起臺榭
島方下第或以為執政惡之故不在選怨憤題
詩曰破卻千家作一池不栽桃李種薔薇薔薇
花落秋風起荊棘滿庭君始知皆惡其不遜
高麗使過海有詩云沙鳥浮還沒山雲斷復連時
島詐為稍人聯下句云棹穿波底月船壓水中
天麗使嘉歎久之不復言詩

島為僧時居法乾寺洛陽令不許僧午後出寺島
有詩云不如牛與羊猶得日暮歸一日宣宗微
行至寺聞鐘樓上有吟聲遂登樓於島案上取
詩覽之島攘臂睨之曰郎君何會此耶遂奪取
詩卷帝慚下樓去既而島知之亟謝罪乃賜御
札復除為長江簿初之任道中賦詩曰策杖馳
山驛逢人問梓州長江何日到行客替生愁及
過東川守者厚禮之島獻感恩詩曰匏革奏終

非獨樂軍城未曉啟重門。何時却入三台貴。此
日空知八座尊。羅綺舞間收雨點。貔貅閫外卷
雲根。逐遷屬吏隨賓列。撥棹扁舟不忘恩。

島自長江遷普州司倉方干自鏡湖寄詩曰亂山
一重復疊何路訪先生豈料多才者空垂不第名

開曹猶得醉薄俸亦勝耕莫問吟詩苦年年芳

草平

孟郊賈島皆窮困至死或謂詩能窮人昔
有作詩卻相者云貌拙慙君仔細看鏡中

我自覺神寒試從李杜編
排起幾箇吟人做大官

平魯

薛平僕射出鎮浙西平魯投謁薛主禮稍薄魯留
詩以諷之曰梯山航海幾崎嶇。來謁金陵薛大
夫。髭髮緊時趨劍戟。衣冠儼處拜冰壺。誠知兩
軸非珠玉。深媿三鱣卹旅途。今日楚江風正好。
不須迴首望勾吳。薛聞之魯將出境遣吏追還。
廩留數日又獻繫白馬詩曰白馬披鬃練一團。
今朝被絆欲行難。雪中放去空尋跡。月下牽來

只見鞍向北長鳴天外遠。臨風斜控耳邊寒。自
知毛骨還應異。更請孫陽子細看。薛勣詩曰若
不留絆行軒邠得觀其毛骨遂以殊禮相待

楊衡

字仲師吳興人孟東野有悼衡詩

楊衡初隱廬山有盜其文登第者衡因詣闕亦登
第見其人盛怒曰一一鶴聲飛上天在否答曰此
句知兄最惜不敢偷衡笑曰猶可恕也

張祐

字承吉苦吟時妻挈喚之不應以責祐祐曰吾方口吻生花豈恤汝輩後知南

海羅但載羅浮
石歸不治產

張祐崔涯下第後多游江淮嘗嗜酒侮謔時輩或
乘飲興即自稱俠二子好尚既同相與甚洽崔
因醉作俠士詩云太行嶺上三尺雪崔涯袖中
三尺鐵一朝若遇有心人出門便與妻兒別由
是往往播在人口崔張真俠士也爭設酒饌待
之祐末年薄有資力一夕有非常人裝飾甚武
囊貯一物流血于外入門謂曰此非張俠士
居耶曰然張揖客甚謹既坐客曰有一警人十
年莫得今夜獲之喜不可已指其囊曰此其首

也張命酒飲之客曰此去三數里有一義士余
欲報之則平生恩讐畢矣聞公氣義可假十萬
緡酬之此後赴湯蹈火為徇為難無所憚張深
喜其說乃扶囊燭下籌其縑素中品之物量而
與之客曰快哉無所恨也乃留囊首而去期以
却回及期不至五鼓絕聲東曦既駕杳無蹤跡
張慮以囊首彰露且非已為客既未計將安
出遣家人埋之開囊乃豕首也因嘆曰虛其名
無其實而見欺若是可不
誠歟爾後豪俠之氣頓喪

張祐崔涯久在維揚每題詩倡肆譽之則車馬繼
來毀之則盃盤失錯嘗戲贈營妓曰雖得蘇方
木猶貪玳瑁皮懷胎十箇月生下崑崙兒又曰

布袍披襖火燒毡紙補筌篋麻接弦更有一隻
皮屐子紇梯紇榻出門前又嘲李端端云黃昏
不語不知行鼻似烟息耳似鐙愛把象牙梳掠
鬢崑崙頂上月初生端端往見二子曰端端願
祇承三郎六郎伏望哀之乃更贈曰覓得驂驄
被繡鞍善和坊裏取端端揚州近日渾成差一
朶能行白牡丹於是大賈居豪競臻其戶或戲
之曰李家娘子纔出墨池便登雪嶺。何其一日

黑白不均

崔生之妻雍氏揚州摠校女也儀質閒雅夫婦甚睦雍族以崔郎甚有詩名資贍每厚崔生常於飲食處略無裨敬之顏但呼妻父雍老而已雍久之不能容勃然杖劒呼女而出曰某何朔之人唯襲今馬養女合嫁軍門徒慕士流之德小女違公不可別醮便令出家汝若不從吾當揮劍立令涯妻剃髮為尼涯方悲泣悔過雍亦不

聽分疏親戚揮慟涕不得已裁詩留贈詩曰隴
上流泉隴下分斷腸嗚咽不堪聞姮娥一入宮
中去巫峽千秋空白雲

王智興為徐州節度一日諸從事會飲賦詩智興
至從事即屏去翰墨智興言遶間作詩何獨見
其而罷復以箋陳席上小吏亦置箋於智興前
智興引毫立成曰三十年前老健兒劉被郎官
遣作詩江南荅柳從君詠塞北烟塵我獨知四

座驚嘆監軍謂張祜曰觀茲盛事豈得無言祜
乃獻詩曰十年受命鎮方隅漢節忠規而有餘
誰信將壇嘉政外季陵章句右軍書

張祜有二子一椿兒一桂子嘗有詩曰椿兒遠樹
春園裏桂子尋花夜月中一日張以詩上牢盆
使出其子授漕渠小職得堰俗號冬瓜人或戲
之曰賢郎不宜作等職張曰冬瓜合出祜子戲
者相與大哂

張祐在冬瓜堰日憾其牛戶無禮責欲鞭笞錢塘
酒徒朱沖和小船經過祐令語曰張祐前不得
稱進士沖和乃自啟名而贈詩嘲曰白在東都
元已薨蘭臺鳳閣少人登冬瓜堰下逢張祐牛
屎堆邊說我能祐平生傲誕至於公侯未如斯
之挫也深恨之

令狐綯鎮維揚祐常預狎譙公因熟視祐改令曰
上水船風太急帆下人須好立祐答曰上水船

船底破好看客莫倚施。

張祜客淮南幕中赴宴杜牧同坐有所屬意索骰
子賭酒牧微吟曰骰子逡巡果手拈無因得見
玉纖纖祜應聲曰但須報道金釵落彷彿還應
露指尖。

溫州顏郎中不知弧矢之能張祜觀其騎獵馬上
以詩戲之曰忽聞射獵出軍城人着戎衣馬帶
纓倒把角弓呈一箭滿山狐兔當頭行。

故國三千里，深宮二十年。一聲河滿子，雙淚落君前。自倚能歌曲，先皇掌上憐。新聲何處唱，腸斷李延年。二章祐所作宮詞也。傳入宮禁，武宗疾篤，目孟才人曰：「吾即不諱，爾何為哉？」才人指笙囊泣曰：「請以此就縊。」上惻然，復曰：「妾嘗藝歌，請對上歌一曲，以泄其憤。」上許，乃歌一聲《河滿子》，氣亟立殞。上令醫候之，曰：「脉尚溫，而腸已絕。」帝崩，柩重不可舉，或曰：「非侯才人乎？」爰命其襯襯。

至乃舉祐爲孟才人嘆序曰才人以誠死上以
誠命雖古之義激無以過也歌曰偶因歌態詠
嬌嗔傳唱宮人二十春却爲一聲河滿子下泉
須弔舊才人

裴航

長慶中裴航秀才曰下第遊于鄂渚同舟樊夫人
國色航賂其婢裊烟達詩云同舟胡越猶懷想
况遇天仙隔錦屏倘若玉京相會去願隨鸞鶴

入青冥樊答云一飲瓊漿百感生玄霜搗盡見
雲英監橋便是神仙宅何必區區上玉京後經
監橋驛渴甚見茅舍有老嫗緝麻航揖之求漿
嫗呼曰雲英擎一甌漿來飲之乃玉液也嫗曰
欲娶此女但得王杵臼航月餘得之以奉嫗夜
窺之見有玉兔持杵雪光耀室嫗謂航曰吾入
洞為郎具帷帳可乎俄見一大第仙童侍女引
航相見講婚後同入玉峯洞中餌絳雪瓊英之

丹超為上僊